

摘藻堂四庫全書薈要

史部

欽定四庫全書叢要

史部

御批歷代通鑑輯覽卷八十四

詳校官原任主事_臣李斯咏

欽定四庫全書薈要卷七千五百三十七

御批歷代通鑑輯覽卷八十四

宋



皇帝

炎三年

金天會七年

春正月河北制置使王彥致仕

彥以所部兵馬付東京留守司而親率兵趨行在見

黃潛善汪伯彥力陳兩河忠義延頸以望王師願因

人心大舉北代言辭憤激二人大怒遂請降旨免對

差充御營平寇統領彥遂稱疾致仕

金尼瑪哈陷徐州知州事王復死之

金人圍城復與子倚率軍兵力戰外援不至城破復
謂尼瑪哈曰死守者我也願殺我而舍僚吏百姓尼
瑪哈欲降之復嫚罵求死闔門百口皆被殺

韓世忠會兵救濮州至沭陽

後周縣今屬
江南海州

兵潰金尼瑪

哈遂入淮泗

世忠屯淮陽

北周縣後廢故
城在今泗州

會山東兵以援濮州尼

韓世忠方會兵
援濮其兵力必

不甚微臨陣果奮勇爭先未嘗不可以容敵衆即不能與戰豈并不是自守何遽棄軍而走坐使金人乘勝長驅乎高宗自是不復再至江北偏安之局實成于此世忠名將畏葸尚然劉光世之望風輒潰更不足責矣

瑪哈聞之分兵萬人趨揚州自率大軍迎戰世忠以

衆寡不敵夜引還尼瑪哈躡之至沭陽世忠棄軍走

鹽城

本漢鹽漬晉更名今縣屬淮安府

衆遂潰張遇戰死尼瑪哈入

淮陽以騎兵三千取彭城間道趨淮東入泗州

二月詔劉光世將兵阻淮以拒金光世兵潰走還金尼

瑪哈遂陷天長軍

本唐縣宋改軍尋仍為縣今屬泗州

帝奔鎮江

詔江淮制置使劉光世阻淮以拒金人敵未至而軍

自潰尼瑪哈至楚州守臣朱琳降遂乘勝而南破天

長軍內侍鄺詢報金兵至帝即被甲乘騎馳至瓜洲

步得小舟渡江惟護聖軍卒數人及王淵張浚內侍

康履等從行日暮至鎮江府時汪伯彥黃潛善方率

同列聽浮屠克勤說法罷會食堂吏大呼曰駕已行

矣二人相顧蒼黃乃戎服策馬南馳居民爭門而出

死者相枕籍無不怨憤司農卿黃鶚至江上軍士以

為黃潛善罵之曰誤國誤民皆汝之罪鶚方辯其非

是而首已斷矣是日金將馬武

舊作馬
五今改

帥五百騎先

馳至揚州聞帝南行乃追至揚子橋時事起倉卒朝

廷儀物皆委棄太常少卿季陵

字延仲處州龍泉人

亟取九廟

神主以行出城未數里回望城中烟焰燭天陵為金人所追亡太祖神主于道

帝如杭州以呂頤浩簽書樞密院事守鎮江

帝至鎮江宿于府治翌日召從臣問去留吏部尚書

呂頤浩乞留蹕以為江北聲援羣臣皆以為然王淵

獨言鎮江止可捍一面若金人自通州渡江以據姑

蘇將若之何不如錢塘有重江之險帝意遂決命留
朱勝非守鎮江以江淮制置使劉光世充行在五軍

制置使控扼江口

續綱目于帝意遂決下作以頤浩為江淮制置使與行在五軍制置

使劉光世駐鎮江考宋史高宗紀二月癸丑以吏部尚書呂頤浩為資政殿大學士江淮制置使劉光世充行在五軍制置使是江淮制置使乃劉光世之官綱目誤係于呂頤浩殊為疎謬再考高宗紀是月庚申次崇德縣拜呂頤浩兩浙江江淮制置使續綱目既誤書于前又複書于後一官再命尤為舛錯今依本紀改輯而于頤浩為資政殿大學士不另立綱附注于此
是夕發鎮江越四日次

平江

今蘇州府宋為平江府

命朱勝非節制平江秀州軍馬張

浚副之留王淵守平江又二日次崇德

五代吳越縣
今改石門屬

嘉興府時呂頤浩從行即拜同簽書樞密院事江淮兩

浙制置使以兵二千還屯京口又命張俊以兵八千

守吳江

吳越縣今
屬蘇州府

遣閤門祇候劉俊民使金軍詔錄用張邦昌親屬

仍命俊民持邦昌貽金人約和書藁以行

金洛索破晉寧軍徐徽言死之

洛索破晉寧軍徽言據子城拒戰不勝欲自殺左右

持之金人猝至挾徽言以去使之拜不拜臨之以兵
不動命折可求諭使降徽言大罵洛索殺之統制孫
昂昂之子及士卒皆不屈被害事聞賜徽言晉州觀察使諡忠壯洛索

遂進破鄜坊二州又破鞏州

帝至杭州赦

帝駐蹕杭州即州治為行宮下詔罪已求直言赦死
罪以下放還士大夫被竄斥者惟李綱不赦更不赦

還蓋用黃潛善計罪綱以謝金也

和州防禦使馬擴
應詔上書言前日

李綱既退未聞
金人因而罷兵
則罪綱以謝金
之說謬妄已可
樂見況前此頗
疑謝奏高宗曾

斥其非乃因潛
善欲排異已遂
從其說使綱不
得與于故令何
其自相矛盾耶

之事其誤有四其失有六今願陛下西幸巴蜀用陝
右之兵留重臣使鎮江南撫淮南破金人之計回天下
之心是為上策都守武昌襟帶荆湖控引川廣招集
義兵屯布上流扼據形勢密約河南諸路豪傑許以
得地世守是為中策駐蹕金陵備禦江口通達漕運
精習水軍厚激將士以幸一勝觀敵事勢豫備還徙
是為下策若倚長江為可恃幸金人之不來猶豫遠
延候至秋冬金人再舉驅虜舟楫江淮千里數道並
進至此後悔是為無策
擴累數千言皆切事機

金人焚揚州而去

呂頤浩遣陳彥渡江襲金餘兵復揚州

黃潛善汪伯彥以罪免

潛善伯彥至杭州聯疏言艱難之時不敢具文求退

續綱目作聯疏求退今依宋史本傳

中丞張浚論二人大罪二十致陞

下蒙塵天下怨懟乞加罪斥乃罷潛善知江寧府伯
彥知洪州潛善猥持國柄嫉害忠良逐李綱沮宗澤
臺諫內侍言者隨陷以奇禍中外切齒而帝不悟伯
彥則居位日淺論者或未減其罪云

贈陳東歐陽澈官

仍官其親屬一人恤其家

又召馬仲赴行在時仲已卒詔贈直龍圖閣

王淵督船江上
玩誤濟軍且忿
劉光世之言擯
殺皇甫佐以卸
過實罪所必誅
不聞高宗治其
罪愆轉遽顯職
賞罰已為倒置
且欲以免進呈
書押掩飾調停
尤為膠擧雖賊

三月日中有黑子

以朱勝非為尚書右僕射兼中書侍郎命張浚駐平江
以王淵同簽書樞密院事

先是帝渡江劉光世見帝泣曰王淵專管江上海船
每言緩急不誤今臣所部數萬騎二千餘不能濟淵
忿其言斬江北都巡檢使皇甫佐以自解朱勝非馳
見淵督之淵始經畫已無所及遂失諸將心至是制
下諸將籍籍帝乃命淵免進呈書押

臣倡亂不盡由
此而措施失當
實釀禍之一端
也

金史四
卷八十四
扈從統制苗傳劉正彥作亂殺王淵及內侍康履等劫
帝傳位于魏國公專請隆祐太后臨朝

苗傳自負世將以王淵驟遷顯職心不平之而劉正
彥亦以招降劇盜功大賞薄怨上二人因相結時內
使康履藍珪恃恩用事履尤妄作威福凌忽諸將諸
將嫉之會內侍臨浙觀潮供帳遮道傳等怒曰汝輩
使天子顛沛至此猶敢爾耶中大夫王世修亦嫉內侍
恣橫言于正彥正彥曰會當共除之及王淵入樞府

傳等疑其由內侍以進遂與世修謀先斬淵然後
殺宦者議既定時以劉光世為殿前都指揮使百官
入聽宣旨傳正彥令世修伏兵城北橋下俟淵退朝
即猝下馬誣以詔宦者謀反正彥手斬淵即與傳擁
兵至行宮門外泉淵首于行闕分捕內侍皆殺之履
馳入宮白帝帝大驚朱勝非急趨樓上詰傳等擅殺
之故中軍統制吳湛守宮門引傳黨入內奏曰傳等
不負國家止為天下除害耳知杭州康允之見事急

請帝御樓撫諭之日將午帝登樓傅等望見黃蓋猶
山呼而拜帝憑欄呼傅等問故傅厲聲對曰陛下信
任中官賞罰不公軍士有功者不賞內侍所主得官
黃潛善汪伯彥誤國至此猶未遠竄王淵遇賊不戰
首先渡江因交康履乃除樞密臣自陛下即位以來
功多賞薄臣已將王淵斬首中官在外者皆誅訖更
乞康履曾擇誅之以謝三軍帝曰潛善伯彥已降黜
履擇當重與降責卿等可歸營傅曰天下生靈無辜

肝腦塗地止緣中官擅權若不斬履擇臣不還營帝
猶未許逾時傳兵不退帝不得已命湛執履與之傳

即于樓下腰斬履齧其肉梟首與淵首相望并捕擇
斬之編管藍珪于遠州帝諭傳等歸營傳等進曰陛
下不當即大位將來淵聖皇帝來歸未知何以處之
帝命朱勝非總樓下曲諭之傳請隆祐太后同聽政
及遣人使金議和帝許之即下詔請隆祐太后垂簾
傳等聞詔不拜曰自有皇太子可立況道君皇帝已

有故事勝非還白帝帝曰朕當退避但須太后手詔也乃遣顏岐入內請太后御樓太后至帝立楹側從官請帝坐帝曰不當坐此矣太后因乘肩輿下樓出門見傅等諭之曰自道君皇帝任蔡京王黼更祖宗法度童貫起邊事所以招致金人之禍豈關今上皇帝事況皇帝初無失德止為黃潛善汪伯彥所誤今已竄逐統制豈不知之傅等對曰臣等必欲太后為天下主奉皇子為帝后曰今彊敵在前吾以一婦人

朱勝非目擊賊人陵逼乘輿不能奮身紓難縋樓往返徒代賊傳言未聞有所擇採已奉大臣安危相倚之義及隆祐太后出門宣諭義正辭嚴勝非在側使能引仲說解示以禍福安見不可折聲賊之氣以杜逆謀乃始終猶口不語雖

抱三歲兒決事何以令天下敵國聞之宣不轉加輕侮傅等不從后顧勝非曰今日政須大臣果決相公何無一言勝非還白帝曰傅等腹心有王鈞甫者適語臣云二將忠有餘而學不足此語可為後圖之緒帝乃即坐上作詔禪位于太子而請太后同聽政宣詔畢傅等麾其軍退于是皇子勇即位太后垂簾決事尊帝為睿聖仁孝皇帝以顯寧寺為睿聖宮是夕徙帝居之大赦改元明受加傅為武當軍節度使正

彥為武威軍節度使

朱勝非奏母后垂簾須二人同對此承平故事今日事機煩密

聞太后請讓尚
爾嘿然轉請高
宗手書釋詔致
成廢立之勢誠
不知其是何肺
腸即云委蛇求
濟以徐圖區復
或亦權宜應變
之方顧事已經
旬並無討賊之
計又未密約在
外握兵諸將以
協力勤王使非
張浚諸人慷慨
誓師迅為匡復
勝非將遂安心

奏者乞許臣僚獨對而日引傅黨二人上殿以弭其
疑太后語帝曰賴相此人若汪黃在任事已狼籍矣
傳等欲扶帝幸徽越勝
非諭之以禍福乃止

張浚呂頤浩會兵討賊

改元赦書至平江張浚命守臣湯東野秘不宣既而
得苗傅等所傳檄浚慟哭召東野及提刑趙哲謀起
兵討之時傳令張浚以三百人赴秦鳳而以餘兵屬
他將浚知其偽拒不受軍士洶洶浚諭之曰當詣張

坐視耶觀其所
建白不過日引
賊黨同奏以弭
其疑舍此別無
籌畫是惟知一
身免禍于國事
究何所賴繼以
春秋之法亦豈
能逃同惡之誅
乎

侍郎決之即引所部八千人至平江浚見浚語故相
特而泣且諭浚以將起兵問罪浚泣拜曰此須侍郎
濟以機術毋驚動乘輿也赦至江寧呂頤浩曰是必
有兵變其子抗曰主上春秋鼎盛二帝蒙塵沙漠日
望拯救其肯遽遜位于幼冲乎灼知兵變無疑也即
遣人寓書于浚浚以頤浩有威望能斷大事乃答書
約共起兵且告劉光世於鎮江令以兵來會頤浩得
浚書因上疏請復辟遂以兵發江寧舉鞭誓衆士皆

感厲張浚又念傅等居中欲得辯士往說之節制司

叅議官馮輜

字元通後賜名康國遂寧府人

請行浚遣之至杭見傅

等折以正議令早反正劉正彥遣輜約浚至杭浚命

張俊分兵扼吳江上疏請復辟苗傅等謀除浚禮部

尚書命將所部詣行在浚以大兵未集未敢誦言討

賊乃託云張俊驟回人情震聳不可不少留以撫其

軍會韓世忠自鹽城由海道將赴行在至常熟

梁縣今屬

蘇州府張俊聞之曰世忠來事濟矣因白浚以書招之

世忠得書以酒酹地曰誓不與此賊共戴天至平江

見浚慟哭曰今日之事世忠願與張俊任之公無憂

也浚因大犒俊世忠將士衆皆感憤于是令世忠帥

兵赴闕戒之曰投鼠忌器事不可急急則恐有他變

宜趨秀州據糧道以俟大軍之至世忠發平江至秀

州稱疾不行而大修戰具

傳等聞之始懼欲拘世忠妻子以為質朱勝非給傳

曰不若遣之使還世忠而慰撫之則平江諸人益安矣傳從之乃白太后封世忠妻梁氏為安國夫人伴

還世忠梁氏疾驅出城一日夜會世忠于秀州勝非喜曰二兇真無能為也

張浚復遣馮

輻往杭因報書于正彥曰自古言涉不順謂之指斥
乘輿事涉不遜謂之震驚宮闕廢立之事謂之大逆

不道大逆不道者族今建炎皇帝不聞失德一旦遜

位豈所宜聞傳等得書而恐乃遣苗瑀馬柔吉將重

兵扼臨平

注見前

亟除俊世忠節度使而誣浚欲危社

稷謫黃州團練副使郴州安置浚等皆不受頤浩將

至平江浚乘輕舟逐之咨以大計頤浩曰曩諫開邊

幾死官臣之手承乏漕輓幾陷沙漠之域今事不

諧不過赤族為社稷死豈不快乎浚壯其言既而劉
光世兵亦至浚乃草檄聲傳正彥之罪以韓世忠為
前軍張俊翼之劉光世為遊擊頤浩浚總中軍光世
分兵殿後太后降旨睿聖皇帝處分兵馬重事以浚
同知樞密院事李邴字漢老濟州任城人鄭穀字致剛建州人並同簽
書院事浚頤浩等發平江上疏乞建炎皇帝還即尊
位傳等聞之憂恐不知所為朱勝非謂之曰勤王之
師未進者使此間自反正耳不然下詔率百官六軍

請帝還宮公等置身何地乎即召李郁張守

字子固常州晉

陵人

作百官章及太后手詔賜傳正彥鐵券傳等遂帥

百官朝于睿聖官帝慰勞之傳正彥以手加額曰聖天子度量如是也傳黨張達曰趙氏安苗氏危矣

金以劉豫知東平府節制河南州郡

時京東諸郡多入于金金界舊河以南俾豫統之又

以豫子麟知濟南府鄂爾多還屯濱州

注見前

尼瑪哈

歸至東平命達蘭屯兵衝要以鎮撫之

王復故將趙立

徐州張益村人

復徐州

初徐州既破都虞侯趙立戰死復蘇求王復尸瘞之陰結鄉民為收復計及金師北去乃帥殘兵邀擊大敗之遂復徐州事聞詔以立權知州事時山東為盜區立介居其間威名流聞

夏四月帝復位詔張浚知樞密院事

太后下詔還政朱勝非帥百官詣睿聖宮親掖帝乘馬還行宮與太后御前殿垂簾復以建炎紀年以苗

傳為淮西制置使劉正彥副之越四日太后撤簾

呂頤浩張浚敗賊將苗翊于臨平苗傳劉正彥夜遁頤
浩浚入杭州

呂頤浩張浚軍次秀州頤浩諭諸將曰今雖反正而
賊猶握兵居內事若不濟必反以惡名加我翟義徐
敬業可監也進次臨平苗翊馬柔吉負山阻水為陣
中流植鹿角以梗行舟韓世忠舍舟力戰張浚劉光
世繼之翊衆少卻世忠復舍馬操戈而前令將士曰

今日當以死報國面不被數矢者皆斬于是士卒爭

用命翊引神臂弩持滿以待世忠瞋目大呼挺刃突

前翊衆辟易矢不及發遂敗走勤王兵入北關

即今北新

關在杭州府仁和縣北

傳正彥急趨都堂取鐵券擁精兵二千

夜開湧金門遁走犯富陽

注見前

新城

三國吳縣今屬杭州府

二

縣將趨閩中頤浩浚入城世忠手執王世修以屬吏

頤浩浚入見伏地涕泣待罪帝問勞再三謂浚曰曩

在睿聖兩宮隔絕一日吸羹忽聞貶卿不覺覆手念

卿被謫此事誰任解所服玉帶賜之帝握世忠手慟
哭曰中軍統制吳湛佐逆為最尚留朕肘腋能先誅
乎世忠即謁湛握手與語折其中指與王世修俱斬
于市逆黨王元左言馬瑗范仲熊時希孟皆貶

朱勝非免以呂頤浩為尚書右僕射兼中書侍郎

朱勝非既不能
弭患于未萌復
不能靖亂于臨
事及諸將戡定
禍患實無賴復
居政府顧其乞

帝初復位勝非見帝言曰臣昔遇變義當即死偷生
至此欲圖今日之事耳因乞罷政帝問誰可代者對
曰呂頤浩張浚帝問孰優對曰頤浩練事而暴浚喜

罷時雖舉呂頤浩張浚以代而一則謂其練事而暴一則謂其喜事而疎力為貶抑隱然有二臣皆不已若之意則其庸碌應機肺肝已不可掩而所為引過求還特藉以杜衆人之口非真能負疚自劾也

事而疎帝曰浚太年少對曰臣向被召軍旅錢穀悉

付浚此舉浚實主之中丞張守論勝非不能預防致

賊猖獗宜罷之不報至是與同位顏岐

門下侍郎

王孝迪

中書侍郎

張浚

尚書右丞

盧益

同知樞密

路允迪

簽書樞密

等俱免而拜

頤浩右相復以劉光世為御營副使韓世忠張俊為

御前左右軍都統制

勝非尋落職居張浚于衡州

禁內侍干預朝政

詔內侍不得與主兵官交通及饋遺假貸借役禁軍干

預朝政外官非親戚亦不得往還如違並行軍法

重正三省官名

自元豐新官制三省不置長官以尚書左右僕射兼門下中書侍郎分班奏事獨中書取旨門下雖為首

相不更與聞

事俱具前續綱目敘
次重複今刪節改輯

元祐初司馬光請

令三省合班奏事分省治事至是從呂頤浩言詔左
右僕射並同中書門下平章事改中書門下侍郎為
叅知政事省尚書左右丞

帝如江寧

既至改江寧為建康府

冊魏國公專為皇太子

五月以張浚為川陝京湖宣撫處置使便宜黜陟

浚招諭劇盜薛慶于高郵慶降浚因留撫其衆或傳
浚被執呂頤浩等請罷浚帝從之越十日浚還帝驚
嘆即日起還原職浚謂中興當自關陝始慮金人或
先入陝蜀則東南不可保因慷慨請行詔以浚為宣

撫處置使聽便宜黜陟與沿江襄漢守臣議儲蓄以
待臨幸帝問浚大計浚請身任陝蜀之事置幕府于
秦州別遣大臣與韓世忠鎮淮東令呂頤浩扈蹕來
武昌為趨陝之計復以張俊劉光世與秦州相首尾
帝然之

初浚宣撫川陝之議未決監登聞檢院汪若海曰天下者常山蛇勢也秦蜀為首東南為

尾中原為脊今以東南為首安能起天下之脊哉將圖恢復必在川陝浚大悅

遣徽猷閣待制洪皓

字光弼鄱陽人

使金金人拘之

尼瑪哈自東平還雲中鄂爾多自濱州還燕山帝遣

靖康稱姪稱臣
而仍不免于覆

亡之禍前鑒昭然建炎諸臣方欲恢復中原力圖中興之業高宗縱不能發憤自強亦何至望風畏憚遽欲去尊號奉正朔甘于卑屈若此及信使未達而烏珠已大起燕雲河朔之衆南下則又以守則無人介則無地乞哀于金將徒取不答之辱究無

皓如金遺尼瑪哈書願去尊號用金正朔比于藩臣時所在盜梗皓艱難百端得達太原留一年遣至雲中尼瑪哈迫皓使仕劉豫皓曰萬里銜命不得奉兩宮南歸恨力不能砥逆豫忍事之邪留亦死不事豫亦死不願偷生狗鼠間願就鼎鑊無悔尼瑪哈怒將殺之旁一校曰此真忠臣也目止劍士為皓跪請得流遞冷山

即冷峪山亦作冷陁方輿紀要山在故黃龍府北

韓世忠獲苗傅劉正彥送行在誅之

解于航海之遙
愚懦無能真不
足齒矣

世忠言賊擁精兵距甌閩甚邇倘成巢穴卒未可滅
帝詔世忠與劉光世追討之世忠自衢信進至浦城

注見前

之魚梁驛與苗傅劉正彥遇世忠步走挺戈而

前賊望見咋曰此韓將軍也皆驚潰遂擒正彥及傅
弟翊王德亦執苗瑀斬馬柔吉傅亡入建陽縣人詹
剽執之獻于世忠世忠悉送行在斬之帝手書忠勇
二字揭旗以賜世忠

六月大霖雨詔郎官以上言闕政罷王安石配享神宗

王安石蔡京變法流毒固宋室致病之由但至高宗南渡以後宋之宋社朝不保暮其先務自當以講求軍事為急趙鼎乃謂時政之闕莫大于安石之配享未罷蔡京之黨未除實迂緩而不切于事即如其言惡輿而靡

廟廷

時久雨恒陰呂頤浩張浚皆謝罪求去詔郎官以上言闕政司勳員外郎趙鼎上疏曰自熙寧間王安石用事變祖宗之法而民始病假閭閻之謀造生邊患興理財之政窮困民力設虛無之學敗壞人材至崇寧初蔡京託紹述之名盡祖安石之政凡今日之患始于安石成于蔡京今安石猶配享神宗而京之黨未除時政之闕莫大于此帝從之遂罷安石配享

尋下

清之又豈遽能靖外患而維國本乎鼎固南宋名臣而此疏實不免書生膚末之見抑仍門戶排斥之私耳

詔以四失罪己一曰昧經邦之大畧二曰昧戡難之遠圖三曰無綏人之德四曰失馭臣之柄仍榜朝堂使知朕悔過之意中丞張守上疏曰陛下處宮室之安則思二帝母后穹廬毳幕之居享膳羞之奉則思二帝母后體肉酪漿之味服細暖之衣則思二帝母后窮邊絕塞之寒苦操予奪之柄則思二帝母后語言動作受制于人事嬪御之適則思二帝母后誰為之使今對臣下之朝則思二帝母后誰為之尊禮思之又思兢兢栗栗聖心不倦而天不為之順助者萬無是理也今罪己之詔數下而天未悔禍實有所未

耳至

罷右司諫袁植

植請誅黃潛善及失守者權邦彥

字朝美河間人

等九人詔

以朕方念咎責已豈可盡罪臣下植雖敢言然導朕以殺人此非美事遂出知池州

金烏珠大舉南侵

尼瑪哈鄂爾多既還烏珠請大起燕雲河朔兵南侵

金主從之遂破磁單密州又破興仁府

帝以金人復來乃遣工部

尚書崔縱使金并通問二帝縱至金首以大義責金人請還二帝金人怒徙之窮荒縱不少屈竟死焉

崔縱字元矩

撫州臨安人

秋七月太子勇卒

諡元懿

范瓊前此遁還
二帝已為神人
所共憤至是復
為亂賊苗劉發
死叛逆之跡益
彰若不急除其
患將不可測張
浚不動聲色執
之于已箸之間
旋即撫定其衆
可為幹濟所惜
未能磔歸市曹
大快人心耳周
禮乃泥網目連
書張浚發建康
之文謂浚之所

御營司提舉范瓊有罪伏誅張浚發建康

初汴京破二帝及宗室北遷多瓊之謀又乘時剽掠
左右張邦昌為之從衛至是自洪州入朝悖慢無禮
且乞貸苗劉等死帝畏其威以為御營司提舉一行
事務張浚將赴川陝與樞密檢詳文字劉子羽密謀
誅之一日命張俊以千兵渡江若備他盜者使皆甲
而來因詔瓊俊及劉光世赴都堂議事為設食食已
諸公相顧未發子羽坐廡下恐瓊覺取黃紙趨前舉

忘者瓊誅然
後得行其志竟
似後討儋人懸
專為自圖私利
黑心混濁是非
顛倒尚足與論
史事耶

以麾瓊曰下有敕將軍可詣大理寺置對瓊愕不知
所為子羽顧左右擁置與中衛以俊兵送獄光世出
撫其衆數瓊在圍城中附金迫二帝北狩之罪且曰
誅止瓊爾汝等固天子自將之軍也衆皆投刃曰諾
有旨分隸御營五軍瓊下獄具服賜死子弟皆流嶺
南瓊既誅張浚乃發建康

升杭州為臨安府

初呂頤浩與張浚定幸武昌之議及浚行頤浩以為

道遠饋餉難繼乃變前論會滕康

字子濟
東城人

張守陳武

昌有十害不可往帝從之遂升杭州為臨安府將定

都焉

詔李邴

時為參
知政事

滕康

時簽書
樞密

權知三省樞密院事奉隆

祐太后如洪州

太后至建康會防秋迫命劉寧止

字無虞湖
州歸安人

制置江

淮荆湖扈太后往洪州百司非預軍事者悉從命康

邴權知三省樞密院事從行凡四方奏讞吏部差注

舉辟功賞之數皆隸焉

李邕尋罷以劉珪代之

又命四廂都指

揮使楊惟忠將兵萬人以衛過落星寺

在南康府星子縣南鄱陽

湖中方輿紀要昔有星墜水為石因名宋建炎中孟太后過此建寺後改福星院

暴風覆舟

宮人溺死者無數惟后舟無虞

以杜充同知樞密院事

充留守東京以糧絕歸行在遂有是命充將發汴岳飛諫曰中原地尺寸不可棄今一舉足此地非我有他日取之非數十萬衆不可不聽朝廷命郭仲荀程

時非三古而談
封建井田皆拘
偶不達世變之
說況南宋時外
逼金兵內擾羣
盜中原幾無寧
土計夫殺田田
于何來計井定
賦賦將安出勢
既扞格難行流
弊更無所底止
乃當時以為不
可少之書適見
宋儒之迂闊而

昌寯相繼代充然留守司名存而已

廣州教授林勲

賀州人

上本政書

勲上本政書十三篇言國朝兵農之政大抵因唐末
今農貧而民失職兵驕而不可用地利多遺財用不
足皆本政不修之故宜倣古井田之制使民一夫占
田五十畝其有羨田之家毋得市田其無田與游惰
末作者皆驅之使為隸農以耕田之羨者而雜組錢
穀以為什一之稅每十六夫為一井每井賦二兵馬

一匹蠶婦之貢絹三尺綿一兩非蠶鄉則布六尺麻二兩其說甚備書奏詔以為桂州節度掌書記

八月遣使致書于金金人不答

時聞金人南侵而洪皓崔縱未得還帝求可使緩師

者乃遣京東轉運判官杜時亮及修武郎宋汝為

字師

禹豐縣人使金請和致事于尼瑪哈又命呂頤浩遺書劉

豫以諭意

典尼瑪哈書曰古之有國家而迫于危亡者不過守與奔而已今以守則無人以奔

則無地此所以認認然惟冀閣下之見哀而已故前者連奉書願削去舊號是天地之間皆大金之國而

尊無二上亦何必勞
師遠涉而後為快哉

閏月以呂頤浩杜充守尚書左右僕射並同中書門下

平章事

時始正官
名事具前

罷起居郎胡寅

寅上疏曰陛下以親王介弟受淵聖皇帝之命出師
河北二帝既遷則當糾合義師北向迎請而乃亟居
尊位建立太子不復歸覲宮闕展省陵寢偷安歲月
累無捍禦及敵騎乘虛匹馬南度一向畏縮惟務遠

韓世忠謂不當
更棄江淮最為
切要即以將才
而論世忠勦滅
苗劉已著成效

逃軍民怨咨恐非自全之計也因進七策一罷和議
而修戰畧二置行臺以區別緩急之務三務實效去
虛文四大起天下之兵以自彊五都荆襄以定根本
六選宗室之賢才封建任使之七存紀綱以立國體
書凡數千言呂頤浩惡其切直罷之于外

詔杜充韓世忠劉光世分屯江東以備金

帝召諸將議駐蹕之地張俊辛企宗請自鄂岳牽長
沙韓世忠曰國家已失河北山東若入棄江淮更有

而杜充為東京留守糧絕遁歸其優劣不啻霄壤乃以江東節制付之杜充用人已為失當迨後此間充敗降而倉皇失措悔亦晚矣南宋是時勢已顛蹶建康臨安所爭無幾然長留淮南以為屏蔽不更愈于專恃長江乎而樓焘謬說顧以量力知已

何地呂頤浩曰金人之謀以陛下所至為必爭之地

今當且戰且避奉陛下于萬全之地臣願留常潤死

守帝曰朕左右不可無相乃以充兼江淮宣撫使守

建康王瓚諫之韓世忠為浙西制置使守鎮江劉光

世為江東宣撫使守太平池州皆受充節制

杜充嚴急光世

不樂屬充會朝議以隆祐太后在豫章恐

有震驚乃命光世移屯江州以屏蔽之

帝如臨安

考功員外郎樓焘

字仲輝妻州永康人

上疏曰今日之計當思

為辭視保淮為
水務淮防既撤
而江險亦不足
憑其失算更甚
矣

古人量力之言察兵家知己之計力可以保淮南則
以淮南為屏蔽權都建康漸圖恢復力未可以保淮
南則因長江為險阻權都吳會以養國力于是帝還
臨安不復議防淮矣

九月丙午朔日食

金人破南京

知府凌唐佐

字公弼薇
州休寧人

被執劉豫因使為守唐佐與

宋汝為密疏其虛實以蠟書告于朝事泄豫併其家

捕之唐佐見豫責以大義豫怒殺之境上

詔周望守平江

諜報金人治舟師將由海道窺江浙詔韓世忠守圖

山

在鎮江府丹徒縣東北濱江為險

福山

在蘇州府常熟縣北下臨大江與通州狼山相對

望初由兵部尚書進簽書樞密院事至是以為兩浙

荆湖宣撫使總兵守平江

既而郭仲威降于望進望同知樞密院事仍守平江

遣直龍圖閣張邵

字才彥烏江人

使金金人囚之

邵至濰州見達蘭命邵拜邵曰監軍與邵為南北朝

從臣無拜禮且具書言兵不在彊弱在曲直天未厭
宋而金乃裂地以封劉豫復窮兵不已曲有在矣達
蘭怒取所賫國書去送邵密州囚于祚山砦

祚山方
輿紀要

作祚山在青州府安丘
縣東北金人置砦于此

金殺故知真定府李邈

邈故為真定帥被執三年金人欲使知滄州邈笑不
答及是金下令改易冠服邈憤詆之金人撾擊其口
猶吮血啖之遂遇害邈將死顏色不變南向拜訖就

死燕人爲之流涕

後事聞謚
曰忠壯

冬十月帝至臨安留七日復如越州

時烏珠分兵一自滁和入江東一自蘄黃入江西帝
遂如越州

張浚治兵于興元

浚至興元上疏言漢中實形勝之地前控六路之師
後據兩川之粟左通荆襄之財右出秦隴之馬號令
中原必基于此宜謹積粟理財以待巡幸于是辟劉

子羽參議軍事承制以趙開

字應祥晉州安居人

為隨軍轉運

使專總四川財賦

開先提舉川陝茶馬事茶引收息至一百七十餘萬緡馬逾二萬匹

至是見浚曰蜀之民力盡矣錙銖不可加獨植貨尚存藏餘而貪猶認為己有互相隱匿惟不恤怨詈斷而敢行庶可救一時之急浚銳意興復委任不疑于是大變酒法即舊撲買坊場所置隔釀設官主之麴與醱具官悉自買聽釀戶各以米赴官場自釀斛輸錢三十頭于錢二十二其釀之多寡惟錢是視不限數也又于秦州置錢引務興州鼓鑄銅錢官賣銀絹聽民以錢引或銅錢買之凡民錢當入官者並聽用引折納官支出亦如之民以為便

時浚荷重寄旬犒月賞期得士死力

費用不貲盡取辦于開開悉智慮于食貨算無遺策

雖支費不可計而貨財常有餘初曲端欲斬王庶朝廷疑其叛浚以百口保之且以其與敵屢角欲仗其威聲承制築壇拜端威武大將軍宣撫司都統制軍士懽聲如雷子羽又薦涇原都監吳玠及弟璘之才勇浚以玠為統制璘掌帳前親兵

字唐鄉

金人趨江西劉光世引兵遁十一月隆祐太后如虔州江西州軍多潰

高宗至建康康未暇暖懼淮南之不可保復幸臨安即當奉隆祐太后同往乃以防秋事迫遣

烏珠遣當海先取壽春而自以兵繼之掠光州擊破

人危駐洪州復
自吉而度兵燹
風濤屢瀕危陰
且劉光世前此
守淮濱走懦怯
已可概見乃今
其獨當一面以
為捍禦其不足
恃以保衛固無
煩再計矣高宗
止國一身奔避
之便而不顧母
后抗愴之虞其
心殆不可同豈
特燕欽不還足
啓人望哉乎

張用軍聞太后在南昌遂攻破黃州知州趙令歲

燕王

德昭

不屈被殺光世在江州日置酒高會金人自黃

州渡江凡三日無知之者金兵薄城下光世遂引兵

趨南康金人入城由大冶

五代南唐縣今屬武昌府

趨洪州滕康

劉珣聞金兵至奉太后出城江西制置使王子獻棄

洪州走金人遂破臨江軍

宋置今江西臨江府是

洪撫袁三州

注俱見前

亦破太后至吉州方五日金人追之急后乘舟

夜行質明至太和縣

隋縣明改泰和今屬吉安府

舟人景信反揚

惟忠兵潰失宮人一百六十滕康劉珏皆遁兵衛不

滿百遂自萬安

宋縣今屬吉安府

陸行如虔州后及潘貴妃

開封人

以農夫肩輿而行至虔州府庫皆空衛兵所給

惟得沙錢市買不售與百姓交關縱火肆掠土豪陳
新率衆圍城楊惟忠部將胡友自外引兵破新于城
下后稍得安既而金人破吉州還屠洪州

帝如浙西未至復如越州

帝初欲幸明州用呂頤浩計復還杭州乃下詔親征

百司有至曹娥江

其上流即剡溪自紹興府嵊縣流逕會稽縣曹娥廟前因名曹娥江

其下流亦曰舜江

者有至錢清堰

即前清鎮在紹興府山陰縣西錢清江

至三江口入海

所經也以東海太守劉

罷受父老一錢事得名

者侍御史趙鼎力諫以為衆

寡不敵不若為避敵之計遂復詔百司回越州

知徐州趙立將兵勤王敗金人于淮陰

立聞詔諸路以兵勤王乃將兵三萬趨行在杜充承

制以立知楚州金人聞立棄徐州將赴楚州乃以兵

邀于淮陰立麾下勸立不如還保徐州立奮怒嚼其

苗曰曰顧者斬于是率衆徑進與金人遇轉戰四十里至楚州城下立中箭貫兩頰口不能言以手指揮既入城休士而後拔鏃議者謂自燕山之役南北戰爭未有如此之鏖戰者

以范宗尹參知政事趙鼎為御史中丞

二人皆嘗建議避金人故遂用之

金烏珠渡江入建康杜充叛降金通判楊邦乂

字希稷吉水人

死之

時江浙倚重于充而充日事誅殺且無制敵之方及
烏珠與李成合兵攻烏江充閉門不出統制岳飛泣
諫請視師充不從烏珠遂乘充無備進兵取和州無
為軍遂由馬家口渡江陷太平州充始遣都統制陳
淬字君銳
莆田人及飛帥師迎戰王瓚以軍先遁淬敗死諸
將皆潰充兵亦散烏珠至建康守臣陳邦光戶部尚
書李稅迎降充渡江保真州諸將怨充嚴刻欲乘其
敗害之充聞不敢還營居長蘆寺烏珠遣人說之曰

呂頤浩與諸將
議還都時即有
且戰且避之說
其胸中早存航
海一著以為長
算至是遂進策

若降當封以中原如張邦昌故事充遂降金通判楊
邦乂獨不肯屈膝以血大書裾曰寧作趙氏鬼不為
他邦臣烏珠使人誘以官終不屈大罵求死遂殺之
充至金尼瑪哈薄其
為人久之乃得仕

帝奔明州

帝聞杜充叛降謂呂頤浩曰事迫矣若何頤浩遂進
航海之策其言曰敵兵多騎必不能乘舟襲我江浙
地熱必不能久留俟其退去復還二浙彼出我入彼

請行無論他日
章安之追幾不
免于禍而風濤
漂泊詎可久居
所謂萬全之地
顧如是邪又況
奔逃跋涉出入
無時實已損威
失重乃猶自詡
為兵家之奇亦
庸陋不知恥矣
頗浩處苗劉之
變雖有遠謀張
浚亦稱其能斷
大事何前後之
不相符若此豈

入我出此兵家之奇也帝然之遂如明州

盜桑仲據襄陽

初張浚承制以程千秋為京西制置使軍襄陽千秋

招降劇盜曹端桑仲未幾疑仲有異命端圖之端及

千秋所部俱為仲所敗千秋棄城自金州

注見前

入蜀

仲遂據襄陽京西列城皆為仲所有

時有郇音者本五丈河舟人去

為盜剽掠淮泗間又江淮宣撫司準備將戚方據象

為盜犯鎮江殺守臣胡唐老進陷廣德軍既而方為

岳飛所敗降于張俊青後降而復叛聚其衆于崇明

沙劉光世令王德討之謀言賊將用火牛德笑曰此

其才識僅能集
羣策以成事而
不足獨當一面
乎

古法也可一不可再命令合軍持滿陣始交萬矢齊發
牛皆返奔賊衆殲焉青自縛詣罪德獻諸行在廣
德軍宋置今安徽廣德州是崇明沙即今太倉州崇
明縣唐宋時疊漲三沙鼎立海中其東沙即舊縣所
治後已屢遷王德字子
華通達軍熟羊砦人

韓世忠自鎮江退守江陰

今常州府江陰縣宋為江陰軍

十二月金烏

珠攻破臨安遣兵渡浙追帝帝航于海

烏珠自建康趨廣德殺守臣周烈遂過獨松闕

在杭州府

餘杭縣西北獨松嶺上為江浙二境要隘

見無戍者謂其下曰南朝若以

羸兵數百守此吾豈能遽度哉遂抵臨安守臣康允

之棄城走錢塘縣令朱蹕

湖州吉安人

死之烏珠聞帝在

明州遣阿里富埒琿帥精騎渡浙追之帝乘樓船入

海次于定海縣

五代吳越置望海縣宋太平興國中改名定海即春秋甬東也注見前

留范宗尹趙鼎于明州以俟金使又謂張俊曰若能

捍敵成功當加王爵呂頤浩奏令從官以下各從便

去帝曰士大夫當知義理豈可不危從若然則朕所

至乃同寇盜耳于是郎官以下多從衛越四日帝舟

次昌國縣

宋置明改為衛在今寧波府象山縣西南

江淮統制岳飛敗金人于廣德

飛率所部自建康躡金人于廣德境中六戰皆捷擒

金將王權俘首領四十餘人其可用者結以恩義遣

還令夜斫營縱火飛乘亂縱擊大破之駐軍鍾村

在廣

德州境

軍無見糧將士忍饑秋毫無犯金所籍兵爭降

附之

金人破越州遂趨明州張俊使統制楊沂中迎戰于高

橋敗之

阿里富埒瑋入越州宣撫郭仲荀奔温州知府李鄴

降通判曾志

字仲常
輩之孫

死之富埒瑋遂濟曹娥江至明

州西門之高橋張俊使統制劉保與戰而敗楊沂中
等復殊死戰沂中舍舟登岸知明州劉洪道帥州兵
射其旁大破之殺數千人金使來召人至砦計事俊
使小校往金人與語欲入越州請降俊拒之戒將士
慮敵必再至下令清野多以輕舟伏弩閉關自守

庚辰四年

金天會
八年

春正月金人破明州屠其民遂襲帝于

海帝走温州

是月朔西風大作金師乘之次日復攻明州張俊劉洪道坐城樓遣兵掩擊殺傷大半金人奔北死于江者無數夜拔砦退屯餘姚而遣人請濟師于烏珠明

日帝移次台州章安鎮

本後漢縣隋廢為鎮今曰章安市在台州府臨海縣西南

越四日烏珠遣兵與阿里富埒瑋復攻明州張俊懼帥師趨台州劉洪道亦遁越九日金師乃入城屠其民乘勝破昌國縣聞帝在章安以舟師追三百餘里

弗及提領海舟張公裕引大舶擊卻之金人引還帝

發章安如溫州泊于港口

續綱目作帝聞明州破移次章安鎮孝宋史高宗紀

丙午帝次章安己未金破明州相距十有四日今依本紀次序改輯

金洛索陷陝州知州事李彥仙死之

彥先在陝蒐軍實增陴濬隍益為戰守備遣都領邵

興復虢州金將烏魯來攻彥仙敗之洛索聞之自蒲

解率兵大至彥仙又大敗之洛索僅以身免彥仙度

金人必併力來攻即遣人求兵于張浚已而洛索果

曲端桀驁不馴
屢形跋扈張浚
非不知之特以
其臨陣威聲尚
堪制勝為朝廷
惜桀侮之才故
以百口保端明
其非叛委任不
疑雖甚頑劣之
人亦當為之感
動出死力以相
報矣乃陝州之

率折可求等衆十萬來分其軍為十以正月旦為始
日輪一軍攻城期以三旬必拔彥仙意氣如常數出
兵與戰既而食盡告急于浚浚檄曲端以涇原兵援
之端素嫉彥仙不奉命浚曰金若下陝則全據大河
且窺蜀矣乃出師至長安道阻不得進彥仙日與金
戰羅索竒其才誘陷百端彥仙悉斬其使力盡城陷
彥仙投河死其屬官居民無一人降者羅索怒盡屠
之

國復挾彥仙私
嫺不遵檄赴救
儼然仍以王庶
待浚浚見其怙
終若此尚安望
其同心集事乎
他日恭州之獄
雖由讒譖而成
而其致釁不可
謂非自取也

金以韓企先

燕京人

為尚書左僕射兼侍中

時金方議禮制度企先博通經史知前代故事或因
或革咸取折衷

二月河北盜酈瓊

字國寶相州臨漳人

降于劉光世

瓊初隸宗澤澤死調戍渭州金人南下戍軍亂殺其
統制推瓊為主瓊因誘衆勤王行收兵比度淮有衆
萬餘至和州為金當海所敗遂率衆降于光世詔以
為楚州安撫使

以盧益李回權知三省樞密院事

御史張延壽論滕康劉珣不能憂國使太后涉險為
敵人追迫遂俱免而以益回代之

金人屠潭州

金既破江西諸郡乃引兵趨湖南遂陷潭州將吏王
陳劉侂趙聿之戰死向子諲

字伯恭
中元孫

率兵奪門而

出金兵遂大掠屠其城而去

金烏珠引兵北還

烏珠還臨安縱火焚掠以輜重不可遵陸取道秀州

而北

金游騎至平江周堂奔太湖知府湯東野棄城遁烏珠入城縱火焚掠死者五十萬人烏珠遂

入常州鎮江府既而侍御史沈與求論望罪

誦連州安置

沈與求字必先湖州德清人

金人入東京

權留守上官悟出奔為盜所殺自是四京皆没于金
鼎州人鍾相作亂尋伏誅其黨楊太復叛

金人去潭州羣盜大起相嘗以左道惑衆因結集勇
壯以捍敵為名自稱楚王改元天載攻陷澧州既而

孔彥舟擊相

時彥舟初降

擒送行在誅之其黨楊太復聚

衆于龍陽

三國吳縣今屬常德府

太又名么蓋楚人謂年少者

為么云

後太衆日盛自稱大聖元王立鍾相少子子儀為太子太以下皆臣事之

三月遣使迎隆祐太后于虔州

帝謂輔臣曰朕初不識太后自迎至南京愛朕不啻

已出今在數千里外兵馬驚擾當即奉迎以愜朕朝

夕慕念之意遂遣盧益及辛企宗潘永思等奉迎于

虔州

夏四月金人入潼關曲端使吳玠拒于彭原

在慶陽府寧州故彭

原縣西南雲守

敗績端走還涇原

宋史曲端傳作涇州考宋涇原路治涇州

記隋因原名縣

端退還本鎮故宋史

與綱目互舉言之

金洛索既破陝遂長驅入關攻環慶曲端遣吳玠拒

于彭原而自將屯邠州玠先擊金人敗之薩里罕懼

而泣

金人目之曰啼哭郎君

洛索整軍復戰玠軍敗績端退屯

涇原金乘勝焚邠州玠怒端不為援大罵之由是二

人有隙金人雖勝玠以端全軍退去且時方盛夏遂

復還河東

帝還越州

金人退帝將西還召羣臣議駐驛之所呂頤浩曰將
來宜駐浙右徐圖入蜀范宗尹曰若便入蜀恐兩失
之據江表而圖關陝則兩得之帝曰善遂發温州至
越州下詔親征巡幸浙西尋升越州為紹興府

韓世忠邀擊金烏珠于江中大敗之走建康復引兵襲
世忠世忠敗績烏珠遂驅江北

金山屹峙江心
何能馳騎且烏
珠是時志在濟
江豈肯行次中
流舍舟以臨險
地致有疑當日
金山與南岸相
連屬者不知浮
王之名即取其
無所附麗而樹

初韓世忠以前軍駐青龍鎮

在松江府青浦縣北以青龍江名

中軍

駐江灣

鎮名在太倉州寶山縣南吳松江口

後軍駐海口欲俟烏珠師

還擊之及烏珠由秀趨平江世忠事不就遂移師鎮

江以待之金師至江上世忠先以八千人屯焦山寺

山在鎮江府丹徒縣東江中

烏珠欲濟江乃遣使通

後漢處士焦先隱此因名

問且約戰期世忠許之因謂諸將曰是間形勢無如

金山

在丹徒縣西北江中與焦山對峙本名浮玉山以裴頭陀開山得金因改名

龍王廟

者敵必登之以覘我虛實乃遣蘓德將百人伏廟中百人伏

影中流鐘聲兩岸唐時名句流傳蘇軾亦有阻風金山之作則山之不能通陸自昔已然方輿紀要因于金山下增對岸二字謂廟在銀山殊無確據況世忠屯戍焦山與金山銀山東西相距均遠登眺亦無所見其為傳會顯然惟王象之及熊克皆云

廟下岸側戒之曰聞江中鼓聲則岸兵先入廟兵繼出之合擊之及敵至果有五騎趨廟廟兵先鼓而出獲兩騎其三騎則振策以馳馳者一人紅袍玉帶既墜復跳而起詰諸獲者則烏珠也既而接戰江中凡數十合世忠妻梁氏親執桴鼓敵終不能濟俘獲甚衆擄烏珠之壻龍虎大王烏珠懼請盡歸所掠以假道世忠不許復益以名馬又不許遂自鎮江沂流西上烏珠循南岸世忠循北岸且戰且行世忠

廟在北固較為可信蓋北固踞江南岸既得振策以馳而山居東北與焦山正直故可登之以覘虛實二人皆以宋人紀宋事自當得實非若宋史成自元時僅據傳聞而不詳形勢徒滋後世之疑議也至謂一人紅袍玉帶墜而復馳者即烏珠其說尤

艤艫大艦出金師前後數里擊柝之聲達旦將至黃

天蕩

在江寧府上元縣東北大江至此深廣橫闊三十里

烏珠窘甚或曰老

鵲河故道

亦名老鵲嘴在黃天蕩南

今雖湮塞若鑿之可通秦淮

烏珠從之一夕渠成凡三十里遂趨建康岳飛以騎

三百步兵三千邀擊于新城

亦曰北城在句容縣北

大破之烏

珠乃復自龍灣

市名在上元縣西北

出江中趨淮西會達蘭自

濰州遣貝勒塔葉

舊作李董太乙今改後仿此

引兵來援烏珠乃

復引還欲北渡世忠與之相持于黃天蕩塔葉軍江

誕金源衣服至
大定明昌間始
酌用中國制度
其初必無裘衣
博帶之人況身
臨戰陣安有服
袍玉以從事者
其為宋人誇飾
附會無疑即此
可證金山馳馬
之荒唐矣

北烏珠軍江南世忠以海艦進泊金山下豫以鐵縆
貫大鈎授健者明旦敵舟譟而前世忠分海舟為兩
道出其背每縆一縆則曳一舟沉之烏珠窮蹙求會
語祈請甚哀世忠曰還我兩宮復我疆土則可以相
全烏珠語塞又數日求再會而言不遜世忠引弓欲
射之烏珠亟馳去見海舟乘風使篷往來如飛謂其
下曰南軍使船如使馬奈何乃募人獻破海舟之策
于是閩人王姓者教其舟中載土以平板鋪之穴船

板以櫂漿俟風息則出海舟無風不可動也且以火箭射其箬篷則不攻自破矣烏珠從之刑白馬以祭天及天霽風止烏珠以小舟出江世忠絕流擊之海舟無風不能動烏珠令善射者乘輕舟以火箭射之烟燄蔽天師遂大潰焚溺死者不可勝數世忠僅以身免奔還鎮江烏珠遂濟江屯于六合縣世忠以八千人拒烏珠十萬之衆凡四十八日而敗然金人自是亦不敢復渡江矣

遷趙鼎為翰林學士辭不拜呂頤浩免

初御營司本以行幸總齊軍政而宰相兼領之遂專
兵柄樞府幾無所豫頤浩在位尤顓恣中丞趙鼎嘗
疏論之及聞韓世忠敗金人頤浩請帝幸浙西下詔
親征帝將從之趙鼎以為不可輕舉頤浩惡鼎異已
改鼎翰林學士鼎不拜改吏部尚書又不拜乃上言
陛下有聽納之誠而宰相陳拒諫之說陛下有眷侍
臺臣之意而宰相挾挫沮言臣之威堅卧不出上疏
宗一聞鼎說毅

然聽從頤浩遂因此罷相高宗非果賞其忠諫也蓋鼎前此衆寡不敵之說及此時不可輕舉之謀與高宗畏選本懷隱相契合故不覺言之如水投石耳至其兩次改官皆堅卧不受乃宋人矯抗結習且樂居言路以便其攻訐也論者謂頤浩欲以

論頤浩過失凡千餘言頤浩因求去詔以頤浩倡義勤王宜從優禮乃罷為鎮南軍節度使醴泉觀使而復命鼎為中丞諭之曰朕每聞前朝忠諫之臣恨不之識今于卿見之

留守司統制牛皋

字伯遠汝州魯山人

追敗金人于寶豐

宋縣今屬汝州

金兵下江西者聞烏珠北還亦自荆門

注見前

引去留

守司統制牛皋潛軍邊擊敗之于寶豐之宋村

五月岳飛襲金人于靜安

鎮名在上元縣西北其旁即龍灣市

敗之

官留鼎而鼎之固辭為不入其黨審是則必遷除非由朝命而後可顧中丞之拜史謂其肉議避而擢用則學士吏部之選又安知非因沮親征而晉秩耶

烏珠既濟江金人在建康者大肆焚掠執李稅陳邦

光等自靜安渡宣化

亦鎮名在六合縣南

而去

稅道死邦光歸于劉豫

岳

飛邀擊金人于靜安鎮大敗之初杜充之敗也其將士潰去多行剽掠獨飛嚴戢所部不擾居民士夫避寇者多賴以免

以翟興等為荆湖淮南諸路鎮撫使分地處之

時京東西荆湖南北淮南諸路盜賊蠭起大者數萬人據有州郡朝廷不能制范宗尹言于帝曰羣盜皆

烏合之衆急之則併死力以拒官軍莫若析地以處之盜有所歸則可以漸制帝善之乃以翟興等並為

鎮撫使分地畀焉翟興河南府孟汝唐州趙立楚泗

州漣水軍

今淮安府安東縣宋為漣水軍

劉位滁濠州趙霖和州無

為軍李成舒蘄州吳翊光黃州李彥先海州淮陽軍

薛慶高郵天長軍未幾又授陳規德安府復州漢陽

軍解潛荆南府歸峽州荆門公安軍程昌寓鼎澧州

陳求道

字德之成寧人

襄陽府鄧隨郢州范之才金均房州

馮長寧順昌府蔡州軍興聽便宜從事俾立顯功許
以世襲然李成薛慶輩起于羣盜翟興劉位土豪李
彥先等皆潰將既無統屬有急又不遣援故諸鎮鮮
能自守尋又以孔彥舟為辰沅靖州郭仲威為真揚
鎮撫使既而陳求道為劉忠所執罵賊死劉位為盜
所殺薛慶與金人戰揚州城下敗績死之李
彥先引兵援楚州亦敗死馮長寧叛附劉豫吳玠素
城遁走郭仲威謀據淮南以通劉豫王德襲執之送
行在伏誅其李成孔彥舟降劉
豫翟興為下所殺事別詳後

金人圍楚州

金兵略地攻城
未嘗久駐張彬
謂羅索孤軍深
入乘其初至而
擊之未為非策

金達蘭圍楚州急趙立命撤廢屋城下然火池壯士
持長矛以待金人登城鉤取投火中金人選死士突
入又搏殺之乃稍引退至是烏珠將北歸以輜重假
道于楚立斬其使烏珠怒乃設南北兩屯絕楚餉道
六月罷御營司以范宗尹兼知樞密院事

秋七月張浚罷其都統制曲端

浚雖重用端然以人言浸潤不能無疑乃使張彬詣
渭州察之彬至謂端曰今兵合財備洛索以孤軍深

曲端乃欲按兵據險時出兵擾其耕穫且欲遲一二年以待其困弊並為保疆以俟十年之計所見殊謬金人所至並未以屯墾為事不過因宋地之糧即擾之使不得安食又將徙而轉攻他郡耳豈肯株守一隅坐待宋人之積久以圖之耶曲端妄議

入吾境我合諸路攻之不難端曰彼將士精銳且因糧于我我今反為客未可勝也若按兵據險時出偏師以擾其耕穫彼必取糧河東則我為主矣如此一二年彼必困弊乃可圖也萬一輕舉後憂方大彬還白浚浚不以為然及烏珠留江淮浚議出師撓之端曰平原廣野敵便于衝突而我軍未嘗習水戰金人新造之勢難與爭鋒宜訓兵秣馬保疆而已俟十年乃可浚積前疑遂以彭原之敗罷端兵柄再貶海州

沮撓軍事後恐
人心罷斥亦不
為過而論者以
端後此死非其
幸並此事亦歸
罪張浚實非持
平之見也

團練副使萬安軍安置

以岳飛為通泰鎮撫使

張浚薦之也飛辭乞淮東一重難任使收復本路州
郡乘機漸進使山東河北河東京畿等路次第而復
不聽

金烏珠引兵趨陝西

時張浚以金兵萃淮上懼其復擾東南謀牽制之欲
出兵分道由同州郿延以擣其虛烏珠聞之遂自六

合引兵趨陝西金主亦以洛索專攻陝西所下城邑
旋復拒守因其請益兵命鄂爾多往監其軍

張浚遣兵復陝西軍州

趙哲復廊州吳玠復永興軍其餘州縣多迎降

金徙二帝于五國城

注見前

金將立劉豫乃徙二帝于五國城去上京東北千里
徙此踰月太上皇后鄭氏崩洪浩自雲中密遣人奏
書以桃梨栗麪等獻二帝始知帝即位之實

建人范汝為作亂

時方艱食民從之者甚衆州遣兵出戰為所敗賊勢
滋盛統制李捧捕之官軍大潰而遁詔福建安撫使
程邁會兵進討時汝為已破建陽乃移命神武副軍
統制辛企宗討之

八月隆祐太后至越州

以桑仲為襄鄧隨郢鎮撫使

范宗尹念鄉國被禍請赦仲罪而授以官從之

九月金立劉豫為齊帝

初金主聞帝如東南遣尼瑪哈南侵諭之曰俟宋平當援立藩輔如張邦昌者及烏珠北還衆議折可求劉豫皆可立豫以重寶賂達蘭請立已達蘭許之乃言于尼瑪哈未之許高慶裔說之曰吾家舉兵只欲取兩河故汴京既得則立張邦昌今河南州郡官制不易者豈非欲循邦昌故事邪元帥盍不早建議而使恩歸他人也尼瑪哈從之乃遣使即豫所部咨軍

南渡諸將世以
張韓劉岳並稱
然當日始終未
嘗敗衄者獨一

民所宜立者衆未及對豫鄉人張浚請立豫議遂定

達蘭以聞于是金乃遣慶裔及知制誥韓昉備璽綬

寶冊立豫為大齊皇帝世修子禮奉金正朔置丞相

以下官九月豫即位都大名府

以子麟為提領諸路
兵馬兼知濟南府第

益為北京留守冊其母翟氏為皇太后

妻錢氏為皇后改明年為阜昌元年

朝廷聞之凡

偽仕于豫而其家屬在東南者悉厚加撫卹

詔劉光世督諸軍救楚州光世不進鎮撫使趙立死之

楚州破

岳飛耳。韓世忠
雖時見失利而
戰功尚可指數
至張俊輩之少
著微勞不過削
平內地。羣盜其
與金人遇未嘗
不望風鼠竄也
即如楚州之役
張俊既畏縮辭
避至五降御札
而光世訖不奉
行。逮後劉虜要
金師南下。光世
坐視遷延。棄虛
州不守。反告趙

楚州被圍久立遣人告急趙鼎欲遣張俊救之俊辭
不行乃命劉光世督淮南諸鎮救楚州光世將王德
鄴瓊等多不用命惟岳飛僅能為援而衆寡不敵帝
以書趣光世會兵者五光世訖不行金人知外援絕
進攻東城立登礮道以觀飛礮中其首左右馳救之
立曰我終不能為國殄敵矣言訖而絕金人疑立詐
死不敢動越旬餘城始陷

立為人本強不知書忠義
出天性仇視金人所俘礮

以示衆未嘗獻議也事聞

贈奉國節度使諡忠烈

鼎以何事為他
人任患幾有無
君之心高宗不
能明抵其罪光
世得以榮寵俸
終而史官亦概
以中興佐命目
之無識甚矣

張浚使都統制劉錫帥五路之兵與金洛索大戰于富
平敗績浚退軍秦州

浚聞烏珠將至檄召熙河劉錫秦鳳孫偓涇原劉錡

字信叔德

順軍人

環慶趙哲四經畧及吳玠之兵合四十萬

人馬七萬匹以錫為統帥迎敵決戰王彥諫曰陝西
兵將上下之情未通若不利則五路俱失不若且屯
利閬興洋以固根本敵入境則檄五路之兵來援萬
一不捷未大失也浚不從劉子羽亦力言未可浚曰

吾寧不知此顧東南事方急不得不為是耳吳玠郭

浩

字先道龍子人

皆曰敵鋒方銳宜各守要害須其弊而乘

之亦不從遂行次于富平縣劉錫會諸將議戰玠曰

兵以利動今地勢不利未見其可宜擇高阜據之使

不可勝諸將皆曰我衆彼寡又前阻葦澤敵有騎不

得施何用他徙

將戰軍中詐張前都統制曲端旗以懼敵金洛索撫掌大笑曰聞曲將軍

已得罪何始我也遂擁兵蹙至考宋元通鑑以詐張端旗為富平再戰之事係端死後考宋史張浚傳無

再敗富平之事通鑑蓋本羅大經鶴林玉露說不足據今採岳珂桎史輯注已而金人與

柴囊土藉淖平行進薄諸營錫等與之力戰劉錡身
率將士薄陳殺獲頗多勝負未分而金鐵騎直擊趙
哲軍他將不及援哲因離所部其將校望見塵起遂
驚遁諸將皆潰金乘勝而進關陝大震浚時駐邠州
督戰既敗退保秦州召趙哲斬之而安置劉錫于合
州令諸將各還本路上書待罪帝手詔慰勉之自是
關陝不可復論者咎浚之輕師失律焉

是役也金洛
索已病既戰

烏珠左翼軍將邵洛索以右

翼力戰遂敗浚軍未幾索卒

冬十月金人縱秦檜還

檜從二帝至燕金主以檜賜達蘭為其任用達蘭信
之及南侵以為參謀軍事又以為隨軍轉運使達蘭
攻楚州檜與妻王氏自軍中趨漣水軍自言殺金人
監已者奪舟而來欲赴行在遂航海至越州帝命先
見宰執檜首言如欲天下無事須是南自南北自北
朝士多疑其與何桌孫傳等同被拘執而檜獨還又
自燕至楚二千八百里踰河越海豈無譏訶之者安

秦檜自金挈挈而歸為逃為縱與不足深論惟是高宗之懷安求兵與不願歲欽返國端倪早已流露以檜之奸必更能窺測隱微故首以求和書草為對高宗一見即許為樸忠稱為佳士固已墮其術中矣

得殺監而南就令從軍達蘭金人縱之必質妻屬安得與王氏偕惟范宗尹及李回二人素與檜善盡破羣疑力薦其忠檜入對首奏所草與達蘭求和書帝謂輔臣曰檜樸忠過人朕得之喜而不寐既聞二帝母后消息又得一佳士也遂拜禮部尚書先是朝廷雖數遣使于金但且守且和而專意與金解仇息兵則自檜始蓋檜首倡和議故達蘭陰縱之使還也

十一月趙鼎罷以富直柔

字季申弼之孫

簽書樞密院事

上欲以副都統辛企宗為節度使鼎言企宗非軍功
持不下帝不樂遂罷鼎提舉洞霄宮欲申企宗前命
謝克家是秋八月拜參知政事曰如此是使鼎得名企宗得利
而陛下獨負謗于天下後世也

日南至帝率百官遙拜二帝

自渡江至是始有此禮其後正旦亦然

以王彥為金均房州鎮撫使

時所在盜起加以飢饉無所資食惟蜀富饒巨盜往

往窺覲桑仲既陷均房遂乘勢直搗金州白土關

在陝

西興安州平利縣東南與湖北鄖陽府竹溪縣接界

衆號三十萬仲彥舊部曲

也以申牘請于彥曰仲于公無敢犯願假道入蜀就

食耳彥遣統領閔立為先鋒擊之賊銳甚立戰死將

士失色或請避之彥叱曰樞相張公方有事關陝若

仲越金而至梁洋則腹背受敵大事去矣敢言避者

斬即勒兵趨長沙平

在鄖陽府房縣

阻水據山設伏以待仲

見官軍少蟻附搏戰彥執幟一麾士殊死鬪仲敗走

彥休士進擊追奔至白磧

山名在房縣西北

遂復房州張浚

以彥為金均房州鎮撫使

張浚退軍興州遣吳玠守和尚原

在鳳翔府寶雞縣西南大散關之東

以

拒金

時金人盡破涇原諸州軍叛將慕洵復引金兵破環

慶遂入德順軍

注見前

浚聞之乃退保興州時輜重焚

棄將士散亡惟親兵千餘自隨人情大沮或請徙治

夔州叅軍事劉子羽叱之曰孺子可斬也四川全盛

敵欲入寇久矣直以川口有鐵山

在漢中府沔縣北

棧道

見注

前

之險未敢遽窺爾今不堅守縱使深入而吾僻處

夔峽遂與關中聲援不相聞進退失計悔將何及今
幸敵方肆掠未逼近郡宣司但當留駐興州外繫關
中之望內安全蜀之心急遣官屬出關呼召諸將收
集散亡分布隘險堅壁固壘觀釁而動庶幾可以補
前愆耳浚然其言而諸參佐無敢行者子羽請即奉
命乃單騎至秦州召諸亡將時諸將不知宣司所在

及聞命大喜悉以其衆來會凡十餘萬人軍勢復振
子羽因請遣吳玠聚兵扼險于鳳翔大散關東之和
尚原以斷金人來路關師古等聚熙河兵于岷州大
潭

宋縣屬岷州故城
在今秦州禮縣

孫偓賈世方等聚涇原鳳翔兵

于階成鳳三州以固蜀口金人知有備遂引去
十二月金人侵熙河副總管劉惟輔死之

金人掠熙河惟輔擊敗之殺五千餘人已而復至惟
輔顧熙河尚有積粟恐金人因之以守急出焚之為

金人所執捽以去惟輔大呼曰斬即斬吾頭豈汝捽也顧坐上客曰國家不負汝一旦遽降敵邪即閉口不言而死所部亦多不屈被殺

定差役法

初帝在河朔親見閭閻之苦嘗以知縣不得其人一充役次即至破家及即位深加譁議乃定差役法以二十五家為一保十大保為一都內選才勇物力最高者二人充都保主一都盜賊烟火之事一年得替

其次有保長二年得替又有戶長主催一都人戶夏秋二稅一稅一替若品官之家並得免差而限田有制一品限五十頃至九品五頃子孫減半蔭盡則役同編戶太學生及得解經省試者許募人充役軍丁女戶及孤弱悉免

金人大索客戶拘殺之

金密諭諸路令同日大索兩河之民及拘行旅于道凡三日而罷應客戶並籍入官刺其耳為官字鎖之

雲中及散養民間立價鬻之或驅之于鞬靽諸國以
易馬蓋既立偽齊以舊河為界恐陷敵者逃歸豫地
故爾樂壽縣得客戶六十八人換作六百八人以報
尼瑪哈必責其數縣官執窮民以足之被掠歸
雲中者不令出城無以自活士大夫往往乞食于
途尼瑪哈見其多恐或生事聚三千餘人坑之

庚午 紹興元年金天會九年 春正月以張俊為江淮招討使岳

飛副之

時孔彥舟據武陵張用據襄漢李成據江淮湖湘十
餘郡尤悍強連兵數萬有席卷東南之意多造符讖

幻惑中外久圍江州呂頤浩救之不克

時頤浩為江東安撫制置

大校為成將馬進所敗江州尋陷

朝廷患之以俊為招討使俊請岳

飛同討許之

未幾李成復陷筠州筠州唐置今江西瑞州府是

二月以秦檜參知政事

三月張俊岳飛大敗李成于樓子莊

在江西南康府建昌縣長山西南

羣盜皆遁

俊聞李成將馬進在筠州以豫章介江筠之間遂急趨之既入城喜曰我已得洪破賊決矣及進犯洪州

連營西山

在南昌府新建縣西一名南昌山

俊歛兵若無人者居月

餘進以大書牒索戰俊以細書狀報之進以俊為怯

俊謀知賊怠乃議戰岳飛曰賊貪而不慮後若以騎

兵自上流絕生米渡

亦曰生米潭上有市又曰生米市在新建縣西南

出其

不意破之必矣因請為先鋒俊大喜乃令楊沂中絕

生米渡飛重鎧躍馬潛出賊右突其陣所部從之進

大敗走筠州飛抵東城進出城布陣飛設伏以紅羅

為幟上刺岳字選騎二百隨幟而前賊易其少薄之

史稱岳飛行兵
張岳字旗以懾
敵蓋其後威望
衆著藉此以先

聲奪人而樓子
莊之戰則不盡
然蓋飛設伏已
定正欲以兵少
誘賊使賊但見
其易取而不復
致疑斯為制勝
之要若徒以難
戰虛名為操勝
券猶淺之乎論
飛矣

伏發進大敗走飛使人呼曰不從賊者坐吾不汝殺
坐而降者八萬人俊與沂中復前後夾擊賊大潰進
以餘卒奔南康飛夜引兵至朱家山

即長山在建昌縣南

又斬

其將趙萬成聞進敗自引兵十餘萬來俊與飛遇成
于樓子莊大破之遂復筠州成復以十萬衆與俊夾
河而營沂中夜銜枚渡河與俊夾攻成大敗俊乘
勝追至江州成勢迫絕江而去因呼俊為張鐵山遂

復江州興國軍

宋置今湖北武昌府興國州是

等處羣盜皆遁

已而俊引

兵渡江追成至蘄州黃梅縣大敗之馬進為追兵所
殺成北走降劉豫張用復寇江西岳飛與用俱相人
以書諭之用遂率衆降江淮悉平俊奏飛功第一詔
進飛右軍都統制屯洪州彈壓盜賊孔彥舟本李成
黨尋為蘄黃鎮撫暴橫不奉法明年朝廷
將以兵執之彥舟遂以所部叛降劉豫

武功大夫張榮擊敗金兵于興化

五代楊吳縣
今屬揚州府

達蘭北

遁

榮本梁山濤漁人聚舟數百以劫掠金人杜充時嘗

借補武功大夫金人南侵攻之不克及金人退榮襲

據通州聯舟入興化縮頭湖

在縣東亦曰率
頭湖後名得勝

作水寨

以守金達蘭在秦州謀再渡江欲先破蒙寨榮率舟
師與之遇見金戰艦不多餘皆小舟時水退隔泥淖
不能前乃舍舟登岸大呼而擊之金人不得騁舟中
自亂溺水及陷泥淖者不可勝計俘馘五千餘人達
蘭收餘衆奔還楚州退屯宿遷尋北去榮告捷于朝
遂以榮知秦州

張浚退屯閬州分諸將守川陝

先是金破鞏河樂蘭廓積石西寧諸州盡有涇原熙

河二路至是復破福津

本西魏覆津縣唐改福津元省故城在今甘肅階州蹂

同谷

西魏縣元省故城在階州成縣

以迫興州浚遂退保閬州而以

張深為四川制置使與劉子羽趨益昌

注見前

王庶為

利夔制置使節度陝西諸路知興元府未幾復以吳

玠為陝西都統制

夏四月隆祐皇太后孟氏崩

諡昭慈獻烈

詔權攢

不葬而掩其柩曰攢

于會稽縣之上皇村

金襲西遼和勒端

舊作曷董今改

城

方輿紀要在故庭州東北

不克

金聞耶律達實在和州

遼置在
莫北

之域恐與夏人合遣

使索之夏國報以境土不相接亦不知達實所往尼
瑪哈以耶律伊都遼之近族必知其巢穴以番漢及
女真軍萬人付伊都使攻達實軍于和勒端城臨行
質其妻子仍起燕雲河東夫運餉和勒端去雲中三
千餘里是行也三路之夫死者不可勝計

劉光世復楚州

秋七月封太祖後令話

燕王德昭元孫

為安定郡王

先是下詔曰太祖創業垂統德被萬世神宗初封子孫一人為安定郡王今其封久不舉有司具上應襲封者至是以令話為安定郡王自後襲封不絕

范宗尹免

宗尹有才智年三十為相毅然以國事自任然為政多私屢為言者所詆秦檜從而擠之帝亦惡其為人會侍御史沈與求奏其罪狀遂落職

八月張浚殺前威武大將軍曲端

曲端抗違軍機
坐視危急不援

以致城陷將殺
矣止再三坐以
失律之誅亦不
為枉王庶以前
諸事即不追咎
而陝州彭原之
致敗皆張浚所
自擊若彼時即
請朝命誅之誰
得而議其非者
乃于事後信其
變之讒雖纖遠
繫且以非法致
之死於州之獄
論者咸以為實
浚實不能辭懷

浚既敗于富平乃思端言召之還稍復其官徙閬州

將復用之吳玠憾端因言端再起必不利于公王庶

又從而間之

玠復書曲端謀反四字于手以示浚庶又言端嘗作詩題柱曰不向關中興事

業卻來江上泛漁舟獨其指斥乘輿

浚乃送端于恭州獄有武臣康隨

者嘗以事忤端端鞭其背遂深憾之及浚以隨提點

夔路刑獄端聞之曰吾其死矣隨至命獄吏繫維端

以紙糊其口燬之以火端乾渴求飲與之酒九竅流

血而死陝西士大夫莫不痛惜之軍士悵恨有叛去

私專殺之罪矣

者

端有馬名鐵象日馳四百里愛之甚于子息及在獄聞康隨至呼天者數聲又連呼鐵象可惜者復

數聲既死不旬

日鐵象亦斃

以汪伯彥為江東安撫大使既而罷之張守免

時黃潛善已死張守復薦用伯彥侍御史沈與求論

劾之詔伯彥復褫新職守亦引疾辭去

以秦檜為尚書右僕射同平章事兼知樞密院事

范宗尹既去檜欲得其位因揚言曰我有二策可聳動天下或問何不言檜曰今無相不可行也帝聞乃

有是命

詔贈程頤直龍圖閣

九月以呂頤浩為尚書左僕射同平章事兼知樞密院
事

時江淮初定命頤浩仍兼宣撫

頤浩先為江東宣撫見上

頤浩敗

賊張琪于饒州遂拜少保復相及入對首言先平內

寇然後可禦外侮而閩寇最急廣寇次之蓋閩中去

行在不遠二廣未經殘破若非速除為害不細帝深

然之

復修日歷

翰林學士汪藻言本朝宰相皆兼史官故書榻前議論之詞則有時政記柱下見聞之實則有起居注謂之日歷所以備言垂一世之典苟曠三十年之久漫無一字何以示來世帝從之即以命藻

長星見詔求直言

冬十月吳玠及其弟璘大敗金烏珠于和尚原烏珠遁

玠自富平之敗收散卒保和尚原積粟繕兵列柵為

死守計

時關隴六路盡陷止餘階成岷鳳洮五州及鳳翔之和和尚原隴州之方山原而已

或

謂玠宜退屯漢中扼蜀口以安人心玠曰我保此敵

決不敢越我而進是所以保蜀也

玠在原上鳳翔民感其遺惠相與夜

輸芻粟助之玠償以銀帛民益喜輸者益多金人怒伏兵渭河邊殺之且令保伍連坐民冒禁如故金

將摩哩

舊作沒立今改

自鳳翔救拉扎哈

舊作烏勒折合

自階成出散關

約日會和尚原救拉扎哈先期至陣北山索戰玠命諸將

堅陣待之更戰迭休金人大敗遁去摩哩方攻箭箬關

即箭

括嶺為岐山最高處在鳳翔府岐山縣東北

玠復遣將擊破之兩軍終不

得合金人自起海角扭于常勝及與玠戰輒敗憤甚謀必取玠于是烏珠會諸帥率兵十餘萬造浮梁跨渭自寶雞結連珠營壘石為城夾澗與玠軍相拒進薄和尚原玠與弟璘選勁弩命諸將分番迭射號駐隊矢連發不絕繁如雨注金人稍卻則以奇兵旁擊絕其糧道度其困且走設伏于神岔

溝名在隴州以南吳山下以

待之金軍至伏發遂大亂玠因縱兵夜擊大敗之烏

珠中二流矢僅以身免亟髻其鬚髯而遁

初金人之至也玠與

璘以散卒數千駐原上朝問隔絕人無固志有謀刻玠之兄弟北降者玠知之召諸將歃血盟勉以忠義皆感泣願盡死力故能成功

初置見錢關子

時命張俊屯婺州有司請椿辦合用錢而路不通舟錢重難致乃造關子付婺州召商入中以結軍食商人執關子于權貨務請錢願得茶鹽香貨鈔引者聽于是州縣以關子充糴本未免抑配而權貨務又止

以日輸三分之一償之人皆嗟怨

十一月以孟庾為福建江西荆湖宣撫使韓世忠副之
辛企宗討范汝為不克其勢益熾乃命庾為宣撫使
世忠副之發大軍由溫台路入閩汝為聞大軍將至
亟入據建州

十二月盜曹成陷道州

成初陷漢陽鄂州屯攸縣

漢縣今屬長沙府

湖東安撫向子

諲招之成聽命子諲遣兵扼衡陽

唐縣今為衡州府治

欲圖之

而援兵不至成忿子諲扼已即擁衆而南官軍悉潰


成大掠執子諲而去

已而統制馬廣遣人諭成子諲始得釋

金以陝西地畀劉豫

先是豫置招受司于宿州以誘逋逃者至是金復以西地畀之于是中原盡屬于豫

御批歷代通鑑輯覽卷八十四



總校官進士臣程嘉謨

校對官學錄臣常循

謄錄監生臣馬錦